

四庫全書

集部

欽定四庫全書

集部

梅溪後集卷

二十一
二十二

詳校官庶吉士臣翁樹培

主事臣呂雲棟覆勘

總校官進士

臣朱

鈴

校對官編修

臣裴

謙

卷錄監生

臣賈

昌

欽定四庫全書

梅溪集卷二十

宋 王十朋 撰

詩

李伯時贈英石

英石來從並玉堂
鈴齋几案聳鋒鋌
平生性有好山癖
袖得兩峯歸故鄉

送潛老赴東禪

駐錫清源十五年月明臺靜忽飄然禪心莫為東禪起
南北東西總是禪

難弟難兄漢二龔袞袞逢掖各清風淵明已遂歸田願
蓮社行將訪遠公

陳提刑挽詞

我守桐城公奉祠登堂猶恨識公遲心勞撫字陽司業
獄喜平反雋不疑頭白不忘文字樂室清宜作子孫規
棣華玉潤皆文傑潛德幽光發妙詞

送陳元龍赴封州教官

溫陵尊酒偶相逢記得同年舊日容書讀短檠游太學
經傳絳帳適臨封清新得句腸生錦瘦硬通神筆吐鋒
莫向炎州嘆官冷行看湖海起元龍

提舶生日

正陽之月慙不作氣候清和滿寥廓階餘嘉瑞十莢冀
墻出新梢半含籜正是生才好時節化日舒長暑猶薄
遙遙華胄馬服君世有功勲上臺閣

漢雲臺唐凌烟皆有馬氏圖象

耳

孫挺秀生東蜀骨相堂堂人磊落絳帳心潛南郡風銅
柱家傳伏波畧致身朝列貳稷官銜命江東訪民瘼雍
容敷奏天顏喜小試船臺良不惡北風航海南風回
遠物來輸商賈樂日邊知己皆達官行矣歸持紫荷橐
平生德性不好飲今日壽觴宜滿酌爛柯仙侶年自長不
用西山一九藥

得葉飛卿書因寄貢院碑

大字雄文照眼明親題一軸寄松廳千間廣廈能宣力

何止區區不負丞

貢院之役飛卿與陳節推董之

萬桂堂

佛國新開選佛場
蟾宮分桂十千章
邦人種德家家熟
仙籍題名葉葉香
地占清光一輪滿
門傳盛事五枝芳
東堂萬萬高攀手
莫負君恩與義方

表弟萬大年宿郡齋為鼠蚊蚤所苦夜不安寢
目為三害某輒申造物之意諭之以詩

萬子游清源頗愛風物好胡為官舍中
害有蚊鼠蚤噬

衣恣掀翻聒耳倦揮掃跳蟲從何來出沒席與藁中夜
不安寢披衣起呼皂禽鼠磔其尸驅蚊熏以草熾炭烘
衾稠蟣虱亦俱薨三害稍稍除高眠起忘早我時寢凝
香清夢到穹昊仙官為我言必大有家寶乃翁多隱德
子籍在蓬島天將成就之故以此相惱要令坐達旦萬
卷飽探討毋如老外兄不學首空皓彼蟲類最多生育
自洪造盡殺則傷仁兼容幸寬抱萬子聞我言往往笑
絕倒燔廬相參元失馬福塞老宴安生鳩毒疾患資壽

考三害不必除君言近乎道

薦新荔支

晚年游宦到夔閬四見輕紅荔子新不似葡萄枯羊棗
向來猶及遺慈親

大年獨步郡圃即事有作次韻

厭聽桐城雨頻瞻雁蕩雲
它鄉見子面好句張吾軍
草木心知敬大年每稱賞郡圃花木桑榆景未暝淹留不須嘆難得

偶同羣

早起

老欲投閒尚未成
膠膠擾擾厭餘生
方成枕上游仙夢
忽聽窻前喚起聲

刺桐花

初見枝頭萬綠濃
忽驚火傘欲燒空
花先花後年俱熟
莫遣時人不愛紅

丁謂詩只愛
青青不愛紅

大年游延福寺

去歲曾遊九日山
忽忽不暇盡躋攀
煩君訪我不到處

好把詩篇載取還

提舶贈玉友六言詩次韵以酬

重見異鄉佳節又成終日清齋

兩歲重午
病不飲酒

忽捧晉堂雙

玉飲觴澆破愁懷

競渡爭飛畫舫賜衣紛集丹墀舉筆不忘規諫玉堂誰

進歐詩

歐陽公端午帖子詩云楚國因讒逐屈原終身
無復入君門願因角黍詢遺俗可鑒前王感巧

言仁宗日舉筆不忘
規諫真侍從臣也

覓百葉榴花

玉友雙瓶不惡錦囊六字无清更覓榴花百葉要令老
眼增明

寄陳大諫

良翰

公居言路望非輕天下人皆側耳聽方欲携書責陽子
忽聞有疏論延齡危言已落奸邪膽正色潜消魍魎形
天聽未回爭以力從茲受責亦芬馨

天申節放生

夫子釣不綱仁心戒盡物君子遠庖厨孟軻論仁術生

魚舍子產獸網祝天乙於物文王沼靈德壽周室唐置
放生池天下八十一至今湖州碑輝耀魯公筆我宋仁
如天神武而不殺華夏及蠻貊卵胎暨化濕皆歸好
生德惟恐一物失清源號佛國此典胡獨缺耿耿舉子
場馥馥荷華隰誕節逢千秋錫宴遍郡邑何以壽吾君
故事修遺逸魚鼈族至微端賴尺水活况茲十畝池中
含千里閭郭索行草泥玄夫巢蓮葉長鬚及衆鱗巨
細各儔匹圍圍復洋洋生意俱可必永逃數罟憂咸被

中孚吉中有六六魚聊茲友蟪蛄一朝得雲雨龍門變凡質歲早當作霖莫忘池中日

送知宗奉祠還越

堂堂人物宋宗英來主金枝玉葉盟麟趾化成公族厚
棣華詩作爭心平金尊對客吟篇逸貝葉談空世味輕
五月仙舟鑑湖去芰荷香裏奏新聲

綠水芙蓉汎鎮東一觴一詠辱陪公轉頭十載已陳迹
會面二山俱秃翁舊隱重尋賀監宅歸帆遙借若邪風

九重側席待宗老願展惓惓劉向忠

愛松堂納涼

鈴齋苦炎熱松竹生晚涼颯然清我襟兀坐興味長
我無桑下戀愛此獨不忘願言勿翦伐清陰常滿堂

郡齋夜坐聞水車聲

風伯吹雲不成雨稼穡如焚誰守土鈴齋夜聞水車聲
遙想田間老農苦汗流氣喘饑眼花厭聞窰中鼃打衙
妻兒相勞勿愁歎多少高田無水車

巽二欲警老刺史車聲夜入凝香耳四郊苗槁農民悲
萬壑水乾魚鼈死守臣失職政事荒誰遣連年坐黃堂
自慚不及段文昌聖世豈有桑弘羊

木利花

日暮園人獻寶珠化成千億小芙蕖使君燕寢無沉麝
疑比清香自有餘

次韻傳教授景仁馬綠荔支

玉座奇色未與頌伏波家果忽堆盤宜書蔡譜均稱綠

不比韓詩止詠丹薦李徒誇碧實脆嚼瓜未覺水晶寒

美君衫髮巧相似我坐郡廳慚素飡

泉州廳事
號荔枝廳

再次韻

兩載閩南白晝頒驚看異品上杯盤發絨初訝囊非絳
擘實猶疑頰未丹較美宜同法石白攪先欲占麥秋寒

荔枝詞云五嶺麥秋寒荔枝初丹馬綠者比荔枝稍早

廣文詩句篇篇好咀嚼令人

欲廢飡

三次韻

荔子新詩屢見頌端同玉局賦金盤

坡詞玉座金盤不負奇包四百年

香包盡帶賜袍綠熟顆半含仙牡丹西蜀稍多應喜遠

瀝我多綠荔支

東嘉可種似宜寒

東嘉無荔支有種而生者疑其不熟久而自脫乃綠荔支

微酸好入鹽梅鼎莫作尋常諫果食

四次韻

蔡譜黃詩久已頒不同馬乳徧堆盤色因不惡故名酒
食可成仙何用丹追逐故江相上下比方魁紫稍孤寒
殷勤百顆分甘意端為詩情合得食

五次韻

涪陵妃子謾名園豈似閩南綠一盤最喜色同青玉案
不妨功並紫金丹畫看紅紫品流俗詩嚼冰霜牙頗寒
吟罷閒觀右軍帖來禽青李可同餐

六次韻

年少題詩入杏園橫空硬語勝郊盤新吟陳紫并江綠
深逼蕉黃與荔丹官舍聊淹廣大冷雁行高並玉峯寒
黃堂病守相將去秋菊落英誰共餐

金史卷之三
卷二十一
七次韻

平生雅意在丘園行矣歸尋隱者盤此日詩盟共君結
明年荔子為誰丹欲移仙種栽中土只恐天資不耐寒
定向家鄉想風味江瑤斫柱謾加飡

得雨復用聞水車韻

蛻骨木龍憂不雨更喚雨牛眠下土

農家以架車
者為眠牛

水從

地底飛上田不減在天行雨苦庭中忽見天雨花白衣
真人游郡衙但願為霖莫為潦免使泥陷羸牛車

亢旱踰時如魯史一雨已遲淹爾耳農猶滿望苗返魂
車亦收聲魚免死我持酒戒不敢荒急呼一盃飲松堂
不憂猖獗有巢昌只恐沈猶朝飲羊

吳宗教惠西施舌戲成三絕

吳王無處可招魂惟有西施舌尚存曾共君王醉長夜
至今猶得奉芳尊

博物延陵有令孫不因官冷作儒酸珍庖自有西施舌
風味堪陪北海尊

長記還家屢擘鮮南來歸興日飄然不緣樽俎逢西子
始泛江湖范蠡船

貢院食新荔觀雙蓮因成六言

兩郡雨逢新荔

予在夔泉二州
皆雨食新荔

三年三結雙蓮

貢院池
雙蓮三

年三
開

酒盞莫辭在手異時同把無緣

分韻得兩字

官舍苦炎熱貢闈快虛敞急呼玉友生閒共同僚賞堂
成桂植萬堤就池分雨蓮開花並蒂荔擘珠在掌詩句

聽細論塵襟發清爽行矣北歸翁山林起遙想

雲榭納涼

人間正炎熱雲榭獨清涼如欲慰黎庶諸君宜奉揚

分韻得宜字

榭向雲間築風從天半吹談方以清飽襟更為涼披雄
入蘭臺賦微生殿閣詩倚欄觀出岫吾去亦誠宜

罷官述懷

去矣清源守皤然雪滿顛居官無善政排悶有詩篇朋

盍三盃酒公餘一覺眠泉人豈思我我意自思泉

出州宅閏五月二十日

官居到處郵傳歲月驚人電飛惆悵同來德耀故鄉不
與同歸

寓清源驛

兩年繆作清源守不到清源洞裏游天恐孤子遠來意
驛中聊許少遲留

諸公餞別分韻得人字

清源古名郡守土宜擇人胡為不才者兩載乘朱輪政
拙歲多旱民愁晷日顰賴茲淳厚俗容我老病身乞祠
竟不允易郡俄得鄰雅懷上冢願偶有還鄉因賓僚共
呼酒餽較嘉且新展餞選士場語離庾伏辰清風屢吹
衣暑雨微灑塵驪駒涕盈門鸚鵡飛入唇我守重惜別不
辭勸酬頻諸君如神魚行奮六六鱗學士倍登瀛郡符
同治秦我如倦蜚鳥野性難籠馴舊巢尋故山一枝
老荆榛官居類郵傳誰能久相親但願各勉力相期作

純臣

枕上聞雨聲

枕上微聞點滴聲
皇天有意掾蒼生
雖然未作商家雨
已覺炎方暑氣清

聞角聲

角聲已作送行聲
更向蕭蕭雨後聽
明日出郊聞更遠
回頭恐見二山青

復安靜堂舊額

端明之孫字子強銀鈎鐵畫傳遺芳昔年作郡古平海
大筆親書安靜堂自從宣和至乾道字與輪奐爭光芒
一朝忽遭俗眼白毀滅名姓深埋藏我來搜訪久乃獲
老兵據為寢處牀滌除五載塵土面字向堂上增激昂
祖為第一孫是似書有家法稱莆陽體具萬安頗雄壯
榜與忠獻同翺翔因知文字乃至寶一時之厄庸何傷
石鼓文有鬼神護淮西碑並日月光豈容泯滅暴秦火
誰肯膾炙段文昌書生作郡太迂闊理財聽訟俱非長

吾君若問何以治堂復韓蔡祠秦姜今纔五日京兆耳
眷此陳迹猶未忘但願茲堂日安靜名與國壽俱無疆
次蔣元肅韻

酒盃三十六人銜勸我殷勤不止三長記白蘋離浙右
恐看丹荔別泉南自慚政似陽城拙那得棠如召伯甘
見說廣文尤惜別好詩千里送歸驂

贈李宜之運幹

誼

謫仙苗裔自非凡家學端能嗣大參一見便知空冀北

三年長嘆滯周南

宜之家
食甚久

絕畦翰墨僕騷可請試言詞

倚馬堪莫道南來橐無寶一編傳得小雲龕

記風閏五月二十六日

泉南固多風茲風大為最初驚月有暈忽聽天鳴籟蓬蓬從何來烈烈不可奈萬竅爭怒號三光變冥昧掀翻敗牆壁摧折到松檜瓦飄上天半茅捲灑郊外稻吹垂實花果墮未熟蒂山川失故容草木遭厄會飛同鷁過宋悲異兒歌沛孰云楚臺雄未覺周郊大雖然不終朝

無乃已被害嗟予垂素髮濫此張阜蓋方憂西疇禾未

問南海具

時藩舶將回以風為憂

心如韓值颶卜効蘇命蔡焚香

叩穹昊防患問耆艾稍稍雲色定徐徐雨聲霈漸停箕
皷揚會見氣交泰居民理破屋老守戒征旆五絃歌舜
琴一絲詠嚴瀨去矣不待瓜歸歟及鱸膾

蔡端明祠堂

公昔自禁從再來臨此邦河梁一何壯筆力獨能扛政
績留南紀祠堂枕大江山川與人物今古兩無雙

別傳教授景仁

鼻祖調羹佐有商耳孫家業踵前芳萬言書有鹽梅味
千首詩開錦綉腸絳帳詎容淹久次制科端欲待非常
歸囊剩有君佳句更獲珠璣四十章

贈陳教授正仲

謹

益友平生所願親南來深喜得斯人淵源師杜真知體

正仲贈予詩云淵源師老杜體
制陋西崑而正仲詩殊有杜體

人物如平宣久貧絳帳

可能淹教育振垣便合掌絲綸臨行贈我五百字楚壁

隋珠未足珍

挽令人

糟糠情味飽相諳
我事耕耘爾力蠶
誤走迷途半天下
忽驚魂夢斷泉南
二年旅櫬悲無奈
千里喪車涕不堪
預卜黃華晚秋節
佳城歸祔白岩庵

贈陳體仁

我來守清源德星識二陳
大陳如金玉一室清無塵
厭世不肯留至今里稱仁
儒先賀州守才氣超等倫
胷中

包古今筆下真有神唾手取甲科齒髮方青春聲名滿
天下文字驚縉紳勞神暫州縣平步當要津蹉跎忽至
今此志猶未伸真人奉香火蕭寺含悲辛講席延諸生
黃卷訶古人異端斥佛老吾道鳴孟荀聊藉束修禮少
資囊橐貧我忝二千石二年牧斯民不能助玉川耻與
韓公均贈我詩與文字字字皆可珍寵褒恨太過感激難
具論願公少自愛行矣當致身門下有高第廟堂手經
綸房魏方得君詎肯忘河汾

贈林尉致約

紅顏白面神仙吏好學苦吟真我徒政事文章有家法
它年呼作小龍圖

臨行至貢院觀桂贈致約

竊祿清源愧不才貢闈臨去尚徘徊青青萬本新移桂
盡是梅仙手為栽

宿寂光院

青山環繞如盤谷中有清幽佛子家人昔共來今不見

數行老淚濕烟霞

陳德溥以百韻詩送別因贈一絕

蓮幕游從一二年送行越境繼前賢

陳季常陳後山皆越境送東坡

筆

頭皆有珠千顆端似少陵夔府篇

越境送別者七人蔣元肅黃少度鹿伯可趙元

序陳德溥葉飛卿林致約少酌驛舍

同僚送我楓庭驛共酌臨分酒一杯我念衆人仍惜別
此身雖去首頻回

別蔣元肅

符竹南來識廣文，經橫講席見淵源。
凌雲詞賦勝三賦，

醫國忠言歷萬言。

元肅嘗作
二賦十議

陳迹互將文字記，交情更

向別離論君方騰踊，吾衰矣名節相期百世存。

題莆田林氏雙闕

唐室遙遙孝義門，屹然雙闕至今存。
當時泣盡思親血，

化作恩波遺子孫。

過頭陀九嶺，宿天玉樓林二招提，因成三絕。

凌晨飽飯渡秦溪

飯溪一名秦樓

要上青山九級梯不使甌閩

隔人世頭陟力與五丁齊

千里歸塗險更長眼中深喜見天王從今漸入平安境

舊路艱辛未敢忘

我如倦鳥欲棲林喜見禪僧棲處深家在梅花小溪上
一枝聊慰北歸心

宿五峯院

萬法由來總是空五峯名在本無峯我來遙作廬山想

隱約夕陽開處逢

饒州芝山有五峯亭望見廬山峯
范丈正公詩云五峯夕陽開

贈亮首坐

雪頂龐眉八十餘五峯深處結精廬
閨人老眼能青白
贈我巖公一軸書

王成之太博寄詩病中未能和謾書二十字以
酬

老病欲納祿君恩許奉祠已為三徑計
誤辱廣文詩

司理叔文和過萬橋詩復用前韻

少年一夕九起嗟家貧親老無生涯河東先生獨青眼
慨然許我修通家三十年間同轉首王謝依然作甥舅
時人咸笑孺子貧杜老惟蒙丈人厚罷官閩嶠初歸來
登堂又荷傾金壘詩誦白圭感前事情鍾我輩銜餘哀定向清朝
力求退呼賓剩設嚴冬鱸從公杖屨鹿岩前明月清風趙歐會

挽令人

知汝莫如我傷心不盡談恐貧猶好施見得可曾貪水
陸同艱險糟糠共苦甘和鳴三十載一夢斷閩南

之子有賢叔，鯁生誤受知。恩蒙夫子妻，事類白圭詩。黃
卷悲吟夜，青燈照續時。竟孤偕隱願，徒切悼亡思。

我欲誌諸墓，有言何敢私。如賓最相敬，無妬似知詩。孝
合從姑葬，賢宜舉郡悲。明朝是重九，恐看菊花枝。

梅溪草堂新闢，缺少花木，效少陵故事覓之以
詩

小小園中十八香，主人游宦遂荒涼。名園草木多奇品，
分我餘根種草堂。

閒中那得買花錢孤負挑紅李白天拈出向來花疏目
招邀春色上詩篇

夢齡弟生日十一月二十二日

周正猶餘八莢蓂昂星下應一陽生貌和冬嶺松俱秀
神與梅花溪共清定享百齡如衛武預開三徑學淵明
弟兄此去皆華髮無惜更相薦壽觥

可公禪老住泉之九日山二十年矣予臨罷官
求去甚力復為後政所留寄詩酬以一絕

泉山好處稱延福白髮禪僧去復回且與晉松為隱侶
莫同英石便飛來

可以英石見
寄號飛來峯

黃伯厚得蒲墨折而為三以書來易戲成二絕

不謂一子墨忽成三客卿君家好兄弟鼎立並馳名
好去文房寶堅剛宜自持吾家藏有盡黃子翫無時

姚宰行可和詩索墨酬以元韻

武城民事暇著述似虞卿手握陳玄輩磨成不朽名
人生幾九墨老病厭操持好與賢明宰研磨共救時

松筆

我有文房寶莫如毛穎清來從丹桂窟封以五夫城輩
行惟彤管宗盟是墨卿湘東謾三品無此歲寒名

題淨名院二絕

淨名却見老維摩

謂長老
顏公

道眼相看語不多我待衣冠

掛神武杖藜來此老岩阿

谷中有月露蛾眉水織珠簾更絕奇滿目峯巒觀未盡
有僧携紙覓題詩

梅溪後集卷二十

欽定四庫全書

梅溪後集卷二十一

宋 王十朋 撰

表狀

饒州到任謝表

遭時遇主協五百世之昌期共理分符叨二千石之重

寄試之民事簡在帝心

中謝

伏念臣奮身諸生隸業太

學上皇親策擢居多士之先陛下誤知眷出羣臣之

右方御天之十日昇近地之一麾旋蒙召還屢辱賜對
魏徵之蘊幾展盡賈誼之言畧施行曾未閱於三時已
徧更於數職遽從憲府擢貳天官人言遭際之非常臣
懼寵榮之過分力辭成命果獲俞音榮聯書殿之名假
守便藩之郡身獲全於進退恩不替於初終況此楚東
之故邦實為江左之奧壤顏真卿英風如在范仲淹遺
愛猶存臣實何人可預茲選茲蓋伏遇皇帝陛下法舜
受禪體堯宅天廣收衆正而首及滯淹樂聽讜言而不罪

狂直遴選朝廷之士疇咨岳牧之臣雖地分內外之殊
而心蔑輕重之異知臣本出乎白屋謂臣可牧夫細民
札命十行憂分千里臣敢不仰奉德意力宣教條雖才
非太公不能五月報政然忠猶杜甫未嘗一飯忘君

夔州到任謝表

地易夔門難敢辭於蜀道心傾堯日遠尤甚於長安祇
拜訓詞惟深感涕

謝中

臣頃由御史出守番易任甫及

於期年報後聞於五月慕言之烈於顏魯國學優優

之治於范仲淹擾切戒於庸人第務近民之易罪或得
於巨室方知為政之難比因有疾而丐祠不謂誤恩而
分間況魚復素稱岩邑在坤維實為要衝苟非文武之
長才曷副蕃宣之重寄豈臣庸繆可稱使令茲益伏遇
皇帝陛下德方日新仁若天覆憫鳥道烏蠻之險有刀
耕火種之勞非善治不可以懷柔謂微臣或勤於撫字
錄其寸效畀以雄藩臣敢不究疾苦於閭閻布教條於
州郡觀武侯八陣居安未免於憂邊誦杜甫百篇有志

不忘於愛主

除敷文閣待制謝表

官自外遷既濫中權之寄恩由上出復叨次對之除抗

章弗俞拜命增惕

中謝

竊念臣才惟樗櫟業本壘鹽偶逢

神聖之作興妄意風雲之際會立螭簪筆方近清光冠

多乘驄遽違丹闕俯悵忠懷之莫盡仰知天眷之未衰

繇列郡而擢居帥垣自集英而起躋華閣易任誤蒙於

增秩撫躬深愧於罔功清議靡容牢辭不獲茲蓋伏遇

皇帝陛下至仁接下大度包荒謂臣如汲長孺之愚言
多妄發知臣有蘇世長之短心不敢邪榮畀重藩許連
從索臣敢不益堅素守摠竭孤忠共理分符何以副西
清之選拾遺補過可能無北闕之書

湖州到任謝表

遠障承流乏循良之善政近藩改命仰覆載之隆私祇
服訓詞彌增感涕伏念臣五年去國兩地分符饒俗浩
穰有難調之巨室夔疆瘠鹵介絕險之烏爨但思治已

以先人豈忍奪民而生事故田里安其不擾而獄訟由之稍稀敢曰懷歸實緣多病輒控祠庭之請屢干旒宸之嚴既寬斧鉞之重誅復畀股肱之佳郡瞻清光於便殿展素蘊之忠言謂能卹民蒙天語之見獎徒以自近佩聖恩其敢忘豈期衰遲有此遭際茲蓋伏遇皇帝陛下至仁兼被大智難名憐臣守志弗欺共理猶知於惠養憫臣奉躬匪懈事君或盡於勤勞故此異除華於朽質臣敢不持循憲度効法京師詠靈沼於真卿深

體好生之德恢儒宮於安定益陶善教之風

泉州到任謝表

五年三郡茂酬天覆之恩一札十行又拜春溫之詔方
奉祠而竊祿遽共理以分符隆睠不忘孤忠益勵中謝竊

念臣少不學古晚方入官論事則意廣而才疎為
郡則心勞而政拙惟民是卹雖誤蒙金口之褒其毀乃
來終莫奪簧言之巧松菊方尋於三徑江湖復把於一
麾非神聖素察其衷豈臣下可得而薦辭避不獲顛

躋是憂况閩為負山帶海遐僻之鄉而泉乃富商大賈
往來之會詎容庸繆可備使令茲蓋伏遇皇帝陛下堯
仁宅天舜智察物知臣無剝下益上之罪恕臣有抑強
扶弱之偏悟即墨之浮言畀清源之善地臣敢不清白
奉已循良牧民富而可求第守不貪之寶老之將至尚
懷有犯之忠

除敷文閣直學士謝表

任南國守臣之寄治效蔑聞綴西清學士之班聖恩誤

及牢辭弗獲下拜有慙

中謝

竊念臣學術空疎性資愚

蠢蚤躬耕養妄懷干祿之心晚竊科名誓竭事君之節

許身自比於稷契得時況過於唐虞上皇親擢之於布

韋陛下又置之於臺省徒屢膺於任使竟莫報於涓埃

去國八年分符四郡覺年齡之云暮致疾病之交攻藥

百試而莫痊祠三乞而不允心勞政拙僅同下考之陽

城金賜秩增有愧能名之黃霸揣分宜黜蒙恩若驚茲

蓋伏遇皇帝陛下仁覆邇遐賞從忠厚與人不求其備

嘉善而矜不能謂臣雖不達於時宜知臣或稍諳於民
事寵昇侯藩之重超陞庭閣之榮臣敢不仰務分憂俯
當盡瘁拾遺補過雖良臣之願莫訓宣化承流庶循吏
之風可繼

除太子詹事賜衣帶謝表

歸依故里首叨宮尹之除趨對便朝猥被章身之錫省
循何幸俯僂難勝伏念臣有不移之忠無適用之器襲
布韋而自薦綉輦悅以奚為分三服之珍方曳裾而自

媿拜九環之重覺委佩之有光夫何衰病之軀仰冒便
蕃之寵茲蓋伏遇皇帝陛下教子以義方之訓好賢
如縉衣之詩借以光華欲其贊翼惟少成若性但知歛
衽之恭而非禮勿言敢後書紳之戒誓殫綿力少荅殊
施

慰皇后上仙表

坤元資萬物之生贊成乾道慈母棄敷天之養痛推子
心仙馭益遐宸衷尤切恭以大行安恭皇后樛木逮下

葛覃儉躬嬪外邸以稱賢位中宮而配聖數豈有定年
胡不長恭惟皇帝陛下道盡人倫治贊陰教諒聖情之
攸繫眷懿範以難忘功配九人迹可稽於彤管神游八
極燕永阻於瑤池然而上奉兩宮下臨九有願上寬於
悲悼庶無爽於和寧

賀皇太子踐

廷揚大號位正前星肆赦以重承祧臨軒而備典禮慶
延宗社歡洽華夷恭惟皇太子殿下挺岐嶷之姿蘊

寬大之德佩禮樂詩書之丕訓明君臣父子之大綱孝
友行乎宮中仁智聞乎天下睿主義方而能教法不抗
於伯禽嗣君嫡長而又賢護奚煩於四皓某官守巴徼
神馳帝鄉仰日月山海之攸重喜七聖柔盛之有守愚
衷敢獻願日近於正人聖學益修當愈明於上性

慰皇太子表

人心所繫方聞出震之音天道難知遽隕前星之曜訃
聞率土痛切輿情恭以皇太子殿下挺岐嶷之姿秉溫

恭之德喜愠不形於色其心有容仁誼以飭其躬有儀
可象護不煩於四皓斷自出於一人福善難憑降年何
促恭惟皇帝陛下愛鍾子聖仁篤父慈澤雖沛於金雞
藥不靈於扁鵲諒肝食宵衣之際興問安視膳之恩然
脩短皆繫乎天雖聖賢莫逃於數昭明有學宜為梁室
之儲子晉已仙願釋周王之念

辭起居舍人狀

竊以起居之職言動是司君無舉而不書事有聞而必

奏於清光為最近在直筆而尤難非得名儒昌稱妙選
臣學術淺陋性資狂愚上皇策之於布衣誤被親擢陞
下識之於潛邸首膺召除方居列宿之聯輒貳司成
之教紬書史館進說經筵皆學者之至榮豈臣愚之敢
望蔑有寸效遽叨峻遷必致可畏之言以速不才之咎
仰祈睿眷追寢異恩俾愚分之獲安庶輿論之惟允所
有恩命未敢祇受謹錄奏聞伏候勅旨

辭免兼侍講狀

臣伏准勅旨除臣兼侍講者臣聞命驚震罔知所措竊以歲輒屢遷者古人之所深戒身兼數職者通才猶不克堪臣近被召還濫官執秩與史館編摩之選叨露門講說之聯每拜命而若驚嘗力辭而不獲辰未再決而遽貳左學朔纔五易而躡陞右螭懼弗稱於一官可更兼於兩職况講讀方執經而入侍而記注常執筆而在旁各有攸司若何可攝將物議之不免謂聖恩之或私敢望睿慈追寢成命遴選碩學講聖人所親作之經

庶俾愚臣專天子不自觀之史

辭免侍御史狀

亡

辭免第二狀

亡

辭免權吏部侍郎狀

臣今月十二日伏准省劄奉聖旨除臣權吏部侍郎
日下供職者臣緣今早上殿自劾不合力贊陛下恢復
及委任張浚事乞罷臣侍御史之職仍賜寬謫今來得
旨除臣上件職是求罪而得遷何以塞羣議臣不敢

供職所賜省劄已繳納尚書省臣今居家待罪欲乞睿
斷降出臣自劾之章使中外曉然咸知臣罪速正典刑
以為臣子之戒

辭免第二狀

亡

辭免除集英殿修撰狀

亡

饒州乞祠狀

亡

辭免知夔州狀

亡

梅溪後集卷二十一

欽定四庫全書

梅溪後集卷二十二

宋 王十朋 撰

啟

及第謝宰相

地借玉階恭上萬言之對名登虎榜濫居千佛之先揣
分踰涯撫躬知愧竊以奏言試功者堯舜遺意臨軒取
士者祖宗令規一新熙寧之科備見神廟之志謂三題

不足發子大夫平日之蘊蓄而羣策可以陳我國家時政之闕遺著為永彛以幸多士夫何首當時之選者無切直之論遂使擬進士之對者有阿諛之譏既波蕩以相承致源流之寢失近代尤甚澆風益滋大臣多忌而動有嫌疑學者懷憤而莫伸梗槩物極必變道開始公申嚴密之禁而務在令行防壅蔽之害而悉闕聖覽求忠讜則丁寧有詔第高下則寵褒有辭既當清明不諱之朝宜得瑰偉非凡之士如某草茅賤子庠序鯁生由

行藝以進升厠英髦而旅試俯慚俗學策無可取之二
三仰懼天威事去欲陳之五六念交淺言深猶或不可
非主聖臣賢其能有容龍匪怒其嬰鱗龜偶居於前列
上自親擢受知不減於孫弘言略施行悟意有踰於賈
誼靜惟僥冒抑有寅緣茲蓋伏遇僕射相公以道事君
無私應物蚤羽儀於法從茂著忠嘉今掌握於化鈞亟
圖康濟披露封章之請若聞宸聽之聰獎勵進言得裴
宏中之大體深銜譏政戒李吉甫之褊心蓋將植太平

之基豈獨為諸生之賜某敢不益堅儒業恪守官箴勉來事之可為慕古人而有作不負天子惟殫精白之心願為良臣冀奉周旋之誨過此以往未知所裁

張叅政

綱

某官厚德鎮浮宏材拔萃為一時之耆彥聳百辟之表儀明以保身揖高風於赤松子任而共政斷前列於曲江公欲振起斯文於委靡之餘遂將順其美於聽納之際

陳樞密

誠之

某官稟純粹清明之姿富博洽宏深之學茂明大對擢
桂林之一枝踐歷要途搏鵬程之萬里夙膺宸眷進握
兵權材兼文武而夷夏聳觀榮冠古今而縉紳景慕惟
昔漸陽公之德化竊嘗聞夫子之文章方慚不肖其範
模何意克傳其衣鉢

楊侍郎

椿

某官學極羣書文優四傑纚纚議論有眉山先生之流風

籍籍聲稱繼關西夫子之遺懿允矣儒林之冠儀乎從
橐之班承師槐市而既被作成奏對楓宸而復膺推
獎

李侍郎

琳

某官模楷士流羽儀朝著分符便郡循良遠過於龔黃
持橐從班儒雅同稱於班馬比膺詔綽親職文衡革委
靡而振士風進忠謹以當上意

賀侍郎允中

某官為世儒宗握持文柄寘杜牧於高第本崔郾之公
心號李白為謫仙見季真之雅識為盛代而開公道贊
吾君而求直言遂致繆庸首膺選擢

劉侍郎

才邵

某官學校舊人文章大手仁為已任典刑備著於老成
道與時行德業兼全其久大峻班行於筆橐演誥命於
絲綸主張斯文提撕後進

王侍郎

侯

某官朝著老成士林碩望蚤被知於宸扆久更踐於禁
途出鎮侯藩藹黃霸循良之譽入司國計得劉晏取予
之宜欲振起斯文於委靡之餘故將順其美於聽納之
際

陳侍郎

康伯

某官器粹珪璋學深淵海蚤著士林之望亟膺宸眷之
知高玉山恬養之風久淹林食復紫橐清華之舊起冠
天官欲振起斯文於委靡之餘故將順其美於聽納之

際

張侍郎

某官學海淵深量陂宏大蚤著士林之望久膺宸眷之
知居務論思豈獨得臯陶之理發明仁恕蓋能紹廷尉
之平欲振起斯文於委靡之餘故將順其美於聽納之
際

王舍人

論

某官心醉六經名先四傑詞章典雅有漢朝制誥之風

衡鑑精明繼宣公考校之盛振起吾道主張斯文遂令
舉首之榮濫屬宗盟之末

趙舍人

遼

某官挺秀坤維結知天眷策名龍首茂騰四海之英聲
執筆螭頭益厚一人之寵遇振起吾道主張斯文遂令
射策之諛聞輒繼傳衣之盛事

周舍人麟之

某官巍擢異科荐更要職黼黻河漢祠章不減卿雲羽

儀天朝人物有如晉宋振起吾道主張斯文遂令最爾之才輒玷裒然之舉

孫少卿

道夫

某官挺秀岷峨騰英庠序揆黼黻之文於方冊藹袴襦之詠於蕃宣瑣闥來歸快郎星之先覩曲臺進擢仰卿月之清輝比掌文衡親承御札哲鑑獨高於衆目狂言特薦於匹夫幸出自天恩歸無地

周侍御

方崇

某官剛毅不回精忠自守雍容禁近簞鵲鷺而接夔龍
排擊姦邪若鷹鷂之逐鳥雀比膺詔綽親職文衡猥收
狂率之言上副聖明之旨

王殿院

珪

某官受氣剛方立朝挺正位升橫榻益揚蹇諤之風望
著中臺克盡糾繩之職力主張於公道務振起於斯文
遂致妄庸叨膺選擢

凌司諫

哲

某官勁特不回端方自守直言中病有王魏善諫之風
奏藁屢焚無管晏暴君之失力主張於吾道務振起
於斯文遂致繆庸誤膺選擢

王郎中

剛中

某官問學淵深氣節洪毅楓宸射策名切亞於龍頭蘭
省懷香望獨高於鴈序惟文柄之有屬體上心之欲求
揭以平衡志不回於馮宿借之褒袞言有取於劉蕡遂
令舉首之榮濫被宗盟之末

孟郡王

某官器粹璵璠慶傳珪組襲亞聖大才之儒雅光隆祐
奕世之德勲政邁龔黃作股肱於藩郡望高陰馬資肺
腑於懿親方詔復蓬萊之遊俄榮拜瀛洲之長有光吾
道將振斯文遂令鬼瑣之流首被甄收之列

與紹興趙殿撰

令詠

假道治封曾快瞻於趙日効官幕府遂託託於蘇天兒
趨有期雀躍良甚恭惟某官宗盟擢秀桂籍揚芬蘊無

施不可之才著所至有聲之績儒雅昭同於歆向德名
無愧於閭平將命外臺威動南閩之山嶽分符巨鎮謠
興東越之袴襦矧茲會計之邦實號蓬萊之地俯臨禹
迹仰切堯階為二浙之雄藩總七州之生齒既近而大
有如此非親且賢其孰宜坐收作牧之功克壯維城之
勢治優方面姑為分陝之召公心在朝廷行作相周之
衛武某東嘉白屋太學鯁生慙無董相之文偶擢平津
之第向來披霧識金枝玉葉之標此日望塵與綠水紅

金史卷之二十一
卷二十二
蓮之客材自慙於樗櫟賜端賴於幘幪尚期國士之知
庶免簡書之責窮禹穴稽山之勝竊效馬遷賦鑑湖秦
望之奇願陪元稹

與邵提刑

大受

慎水望塵幸識紫芝之眉字稽山元職願登元禮之門
墻行遂鳬超預深雀躍恭惟某官道備德美材通器闕
職更中外而所至有聲節著險夷而無入不得方天子
重外臺之寄以星郎總列郡之權幹山海之藏劉晏明

於取予聽獄訟會不疑多所平反已觀報政之成矧復
去天之近文帝受釐宣室久有所思望之雅意本朝
寧勞于外如某者簫臺耒耜槐市鯁生慙無董相之
文偶擢平津之第紅蓮綠水方期遠宦於秦淮手板青
衫茲幸近遊於禹會昔快披雲之願今諧執御之私從
政未優何止受東諸侯之約束資身無策更當借部使
者之吹噓

答蕭山宋知縣啓

厠迹縉紳稔服箕裘之譽効官藩府偁同州縣之勞雲
披未諧山仰彌甚某官中朝大族當代偉人世著才名
喜景文之有後業傳清白得廣平之遺風暫淹萬里之
鵬程聊試一邦之牛刃下車未久製錦已優願勤撫字
之心益著循良之治坐見鳴琴之化無媿魯恭行膺褒
德之封有同卓茂

荅嶧縣丞

窮居慎水未遂識韓易任稽山行將訪戴某官人材瑰

異吏事優長暫淹千里之騰驤來贊一同之教化况刻
谿蘊秀之地貳令為難以博陵種學之賢負丞何有不
待報政行膺美除

荅上虞陳縣尉

損

肄業賢闕共十載齏鹽之苦効官藩府分一時州縣之
勞結同舍之金蘭對尺書之面目披雲有自傾蓋可期
某官種學淵源負才卓犖馳英聲於槐市擢榮第於桂
林白面紅顏聊作神仙之隱吏金章紫綬行為臺閣之

貴人輿論所期私心尤祝

荅來司戶

師韓

厠迹縉紳雅欽高譽効官幕府遂獲同僚未遑尺牘之
修遽辱朋緘之及某官家聲素著吏學竄優州縣勞人
姑為阮瞻三語之掾文武有種行繼李唐四子之風靡
待政成佇膺詔擢

與都提舉

繫

伏審光被宸恩榮持使節輟握蘭之高選臨製錦之舊

遊除目初頒提封交慶恭惟某官喬傳臨晉秀挺丹陽
早收科第之榮屢更州縣之職學無入而不得治所至
而有聲帝謂儔若予工姑暫勞於作匠官雖上應列宿
寧久困於為郎方清朝重外臺之權以大賢膺列郡之
寄后稷居播奏之職能懋遷於有無劉晏幹山海之藏
宜益知於取予第恐宸心之念賈佇聞詔墨之召參暫
屈使輶即持從橐

與安撫王閣學

師心

伏審光膺宸命榮殿大藩輟喉舌之近司畀股肱之重
寄除音初布輿論交歡恭惟某官望重三朝才高列辟
學通今古而無入不得任更中外而所至有聲進長天
官帝命素優於出納屈臨方面王畿允賴於藩宣矧茲
會計之邦實號蓬萊之府俯臨禹會仰切堯階為二浙
之雄都總七州之生齒既近而大有如此非勲且賢具
孰宜坐收作牧之功益著惟良之績越國之人方瘠上
之委任固非輕漢庭之位尚虛公之來歸其非晚某備

員幕府託比幘幘民事未知寤寐敢忘於天語仕途初
筮吹噓端藉於宗工

賀趙侍郎

令誨

伏審光奉宸命榮遷地官親賢見用於朝中外罔不相
慶某官玉牒歆向朱轡趙張豈惟標準於宗支固甚練
達於吏事使軺屢駕興南閩十好之謠符竹存分繼劉
寵一錢之譽果蒙親擢魏領貳卿方國廩之未豐在版
曹為尤急省用斯能足用生財莫若節財願於論思獻

納之時力陳本末源流之計贊漢文之儉德革唐室之私藏無若延齡援經誼以惑主宜同李絳不進獻以結恩要令粟腐於太倉罔使錢泄於異境主聖如此公言必從坐收取予之功行處弼諧之任某叨與幕府獲依大賢雖贊畫有愧古人然至室必以公事性素傷於愚直事每荷於寬容顧虞翻之榻猶存曲蒙屢下想元禮之門益峻未遂重登輒罄微誠遙馳尺牘

謝王舍人

剛中

伏惟照牒舉某自代者贊畫東州仰藉宗盟之託判章
西掖誤蒙國士之知寵過衮衮銘深肺腑竊以官居侍
從則職在薦士識挺特達則心能盡公顧雖自代之虛
文必引所知之同類歐陽持橐以器識而推呂東坡視
草以文行而舉黃率由臭味之同遂有齒牙之借不事
請託自膺薦揚如某者學最空疎文尤荒陋偶中楓宸
之第叨為蓮幕之賓民事未知惟恐有負於天子王言
是代豈期見舉於公朝望外蒙恩顏間增愧茲蓋伏遇

某官學貫經史文成訓謨有江左河汾之風流如嘉祐治平之人物得用捨行藏之正氣不下於權臣當論思獻納之秋舉輒先於寒士遂令庸繆妄辱品題某敢不益勵操修無忘許與求之以文而應之以實端拜贈言勉其不逮而增其不能用酬知己

荅王宮教

必中

備員幕職雅懷慕蘭之誠闡教官庠行遂識韓之願遠勤緘翰仰佩撝謙某官望重江南羣空冀北芹宮得雋

實多士之宗儒棟蓂齊名皆一時之人傑式觀介弟
之器識仰見難兄之範模將儀表於天朝姑作成於宗
子庶俾神明之裔陶成信厚之風

荅周主簿賀正

行夏之時允協三陽之應履端於始光膺百福之來德
荷過謙禮蒙倒置某官望隆越絕秀蘊剡谿鵬躍天池
偉矣周郎之年少鸞棲枳棘蔚然仇覽之才華某叨預
同年獲依巨庇賦椒花之頌獻雖後於元正占茅茹之

文亨必同於他日

答慈溪姚知縣

應辰

昔登蕃榻雅蒙眄之私茲官蠡城首辱緘封之賜俯
增銘感仰佩謙冲某官操行潔修性資深厚克振箕裘
之業薦更州縣之榮斯立不負丞吏寧容於摘紙于游
善為宰治何勞於割雞課最已聞召擢伊邇某濫塵科
第叨與幕僚顧僥倖之為多實獎提之有自報鯉書之
太晚負負何言瞻鳬鳥之匪遥拳拳不替

與徐提刑

度

伏審光膺宸命榮總憲綱政已報於江東臺復移於浙
左快覩除目慶溢部封恭惟某官天賦材猷家傳事業
蚤登羣玉之府上應列星之躔輝棣萼於一門結棠陰
於兩郡方外臺之寄為甚重非識治之材其孰宜劉晏
理財何止為管蕭之亞于公治獄當遠過趙張之賢暫
屈使軺佇持從橐某漢庭竊第越幕備員民事未知有
負聖天子之明訓仕途初筮尚期部使者之寬容

荅會稽錢知縣

某官家傳忠孝世襲簪纓治所至而有聲才無施而不
可矧會稽之大邑實吳越之故封先王之遺愛尚存百
里之良民易化況舊令尹之治方結於去思聞今大夫
之賢益快於先覩靡俟報政佇膺迅除某竊第懷慙備
員亡補幕中贊畫叨為王儉之下僚堂上鳴琴行觀單
父之美化

謝王安撫

伏准照牒舉某應四條指揮者楓宸射策濫居多士之
先蓮幕效官誤玷四條之選感深肺腑愧溢面顏切以
國家廣數路以取人神聖集衆賢而共理既以進退黜
陟之權畀之宰相吏部又以按察舉刺之職委之郡守
監司逮元祐之垂簾起大儒而當國舉直錯枉紀綱既
正於朝廷激濁揚清除目載頒於郡縣去苛佞貪懦之
四害取仁明廉直之數長議雖建於當時事始行於今
日首膺茲選若難其人如某者素無技能偶竊科第贊

畫雖久膏然民事之未知忤意何多嗟爾人言之可畏
恩未酬於親擢期甫及於終更退而自顧則寸無所長
進欲有為則尺未嘗枉舉誰肯借況無韓子之三書薦
不得求忽拜山公之一字靜惟僥冒抑有黃緣茲蓋伏
遇某官一代宗儒三朝耆德入處天官之長出居方伯
之尊循良夏邁於龔黃寬厚實同於婁郝雅意本朝而
忠可見嘉猷我后而人不知建文正之祠用清白以規下
行溫公之議薦賢才而報君遂致繆庸亦膺甄錄某敢

不益持士檢恪守官箴懷惓惓畎之忠勵蹇蹇王臣
之節就有道而正己為可用以待時朝拔一人而莫拔
一人叨與取尤之列待以國士而報以國士敢忘知己
之恩

答諸暨王縣尉

萬章

地處甌閩叨與宗盟之末職分州縣獲同王事之勞首
辱明綏仰欽厚德某官才高四傑望重三珠騰槐市之
英聲擢桂枝之高選東州筮仕暫宣綵棒之威當寧急

賢行應紫泥之詔某備員亡補竊食懷慙泛綠水而依
蓮倦游儉幕具扁舟而把釣欣遇梅仙

答邵縣尉謝解

戰藝漕臺登名天府魏中有司之選仰欽所業之精縉
紳聳觀逢掖歆慕某官羣空冀北風繼召南試混諸生
不作衛公之恥材優萬中果騰張鷟之聲富貴殆將逼
人科第何足恩子佇從仙吏徑到蓬山某叨與同僚獲
觀盛事都騎顧我端繇臭味之同長牋拜嘉輒講報投

之好

荅陸解元謝解

洙

得雋文場登名天府魏亞褒然之舉仰欽卓爾之才鄉
評甚休言論無異解元雲間馳譽筆下有神明疏通知
遠之經工篆刻彫蟲之技處囊脫穎何止定平原之從
射策決科行將擢公孫之第某備數幕客獲觀薦書竊
喜東州之有人預期南省之得士

荅高解元謝解

游翰墨之場俊同子美登賢能之籍名繼牧之有司甚
明士論無異解元家聲韓魯經學義文手劒登壇作平
原定從之客筆鋒鏖戰繼澶淵却敵之風鼓勇春闈唾
手魏第

答諸葛解元謝解

游翰墨場雅負少陵之志登賢能籍兼聯小阮之名鄉
評甚休士論無異解元譽擅文虎風傳臥龍明溫柔敦
厚之經工篆刻彫蟲之技處囊脫穎何止定平原之從

射策決科行將擢公孫之第

荅周主簿賀冬

日遵南陸君子之道方亨律應黃鍾天地之心可見聲
迎長景榮拜短牋某官學不止於決科材已優於為政
鸞鳳棲枳棘暫淹州縣之勞雕鶚在秋天行赴功名之
會顧一陽之初復茂百福以來綏某托茆同年竊祿仙
里登觀臺而望方執筆以書雲懷剡溪之人欲拏舟而
興雪

答孫通判

觀喬木而思世臣雅欽偉望泛紅蓮而游幕府叨與下僚第去官之匪遙恨事賢之太晚朋緘下拜謙德有光某官挺生相門妙有家學興公之才名冠世親得其傳叔敖之陰德在人固宜有後先正亡而象賢在權臣死而公道行宜相繼於鳳池寧久淹於驥足佇自別乘榮躋要途某竊第懷慙効官無補贊南陽弘農之畫有愧范岑賦監湖秦望之奇願陪元實

除館職謝宰相

右某蒙恩授前件職者。泛幕府芙蓉之水。吏責幸逃。登
道家蓬萊之山。恩光誤及。俯慙謏學。濫與英躔。竊以地
號西崑。象符東壁。兩京事實。石渠天祿。東觀皆其名。一
代人才。劉向揚雄。班固為之傑。逮我有國。尤清此途。名
兼三館之崇。事異羣司之比。書藏延閣。富不減於開元。
人到瀛洲。榮愈加於貞觀。有下筆如神之士。無上車不
落之流。器業於是乎成。公卿多自茲出。雖曰文行素著。

科目最高必俟大臣之薦論斯用故事而召試力可求而得者則禁其私請書不程而命者蓋出於異恩韓魏王奮自甲科猶薦而後召蘇內相擢繇制舉亦試而後除孰謂不才乃叨殊選伏念某性資愚鈍術業空疎避三舍於廣場屢焚筆硯終一星於太學始脫蘊鹽瞻天顏咫尺之威借玉階方寸之地初之茂明之對偶膺親擢之榮誦言豈逮於劉蕡試吏僅同於蕭傳固嘗効太史之探穴然未若中郎之得書期方幸於及瓜言旋桑

梓坐靡容於暖席遽奉絲綸脫迹諸侯之賓觀光羣王之府識曷堪於是正誚寧免於何如曾三歲七穆之未知豈八索九丘之能讀堅其所守而已佩聖訓而不忘非爾其誰居之拜王言而增媿茲蓋伏遇國史僕射相公事業稷卨文章訓謨寅亮天地弼予一人端能得宰相之體旁招俊乂列于庶位將以立太平之基好賢每過於緇衣下士罔遺於白屋況內以國本未足之為念外以敵情不測之是憂陽非衆則曷能勝陰天不修則

何以濟武神聖以安危注意社稷之輕重繫公無競
維人大烹以養一舉得垂天之翼兼收取敗鼓之皮謂
昔嘗溷於文衡故今復歸於化治某敢不芸披蠹簡燭
照神藜讀黃香未見之書覲闡大道行宣公不負之學
願事聖君過此以還未知所措

陳右相

志存社稷身任股肱宰相以鎮撫四夷莫予敢侮丈夫
當掃除天下舍公其誰謂事君莫如以人故在上必引

其類

王樞密

有仁者之勇以直道而行幾微不見於面顏精神折衝
於樽俎忠義有激太山甘一擲之輕議論所加散帛增
千金之重

葉樞密

養以剛大動惟直方正色霜臺嘗落李祐之膽決勝籌
幄必寢淮南之謀謂事君莫如以人故在上必引其類

荅梁狀元

漢延多士策董相以天人閨座異才榜歐陽於龍虎雋
聲籍甚輿論翕然伏惟狀元譽重泉南羣空冀北鄉薦
屢居於前列士流咸伏其下風繇蘭省以巍登造楓庭
而旅試論列歷代則深明治體條陳三弊則咸切時宜
有司第其文實在三人之列天子異其對擢先萬國之
英富貴行將逼人科第固已愿子願行所學以報吾君
某竊與周盧獲觀大對偉晁孫之盛事屬灝固之名家

第欣首聽於傳臚詎敢妄論於衣鉢都騎顧我端絲臭
味之同長戕拜嘉輒講報投之好

荅許狀元

克昌

欽雅望於月評簪纓世襲冠雄文於策士衣鉢家傳輿論
翕然雋聲籍甚伏惟狀元種學良苦摘詞最工試屢混於
諸生不作衛公之恥文四舉於禮部始成韓子之名建
茲旅奏於廣廷果能展盡其底蘊問當今之務則固悉
陳具大體論歷代之治則以為無所容心故事有拘雖

屈居於王後大名已著其誰能與許爭行所學以事君
踐斯言而正已佇從仙吏徑到蓬山某備員殿廬欽閱
廷對竊喜鴻臚之唱首傳太嶽之孫慶熙朝之得人辱
都騎之顧我銘感謙德嘉臭味之相同珍藏盛文之瓊
瑶之足報

荅丁狀元

時發

廣廷待問竊喜朝陽之鳳鳴平地登仙咸羨遼東之鶴
化輿論甚美斯文有光伏惟狀元挺秀海陵蜚聲天闕

文掃科舉之習言懷剛弘之忠以元氣之盛衰喻國體
之治亂論一國一代一時之政有寢明寢昌寢熾之風
如使生漢文之時諸老其孰先賈誼假令居李唐之世
有司必不第劉蕡因吾子之敢言見清朝之不諱願攄
素蘊以事聖君某叨與周廬欽閱大對喜皇朝之得士
知天下之有人聽臚唱之傳增縉紳之氣都騎顧我譬
草木臭味之同長賤拜嘉之瓊玖報投之好

答南劍州王守

次山

備員冊府誤叨佐謨之榮託庇宗盟重拜朋緘之貺俯
慙僥冒仰佩謙冲某太學鰥生東嘉冷族析蟾宮之桂
濫廁薦紳泛幕府之蓮蓀事君子幸逃罪戾薦被寵光
燭照神藜與英躔之末選書紬金匱專史筆以何堪拜
命若驚蒙恩有自某官家傳政學天賦才猷半刺東州
聊展騏驎之足一麾南郡行歸駕鶩之行不棄故僚曲
加厚禮對尺書之面目如見德容望千里之門墻莫伸
謝臆

荅温州詹通判 堯可

歡騰梓里共稱半刺之賢祿竊蓬山遽拜朋緘之貺俯
懷愧懼仰佩謙冲某官秀挺玉山望隆渤海訓早聞於
詩禮業不墜於箕裘先正言居宣政之間凜聞風采賢
別乘貳濠溫之郡蔚有聲名初登戲彩之堂首贊褰帷
之治龐士元騏驎之足庸能久淹謝康樂山水之州固
已改觀况聖君懷故國之喬木而太史有封事之甘棠
必起象賢以慰輿論某東嘉冷族西觀小官喜父母之

邦得神明之吏對尺書之面目如見德容望千里之門
墻莫伸賀臆

荅樂清徐令

森

牛刀再鼓鳬鳥遙臨喜子晉之江山得偃王之苗裔首
拜朋緘之貺仰知謙德之光某官天賦吏材家傳政術
倦游仕路飽諳閩浙之風荐綰銅章盡得溫台之地況
此樂成之小邑有同臨海之近州吏苟非賢人亦好訟
允賴循良之治痛懲貪鄙之餘覩已爭先來何太暮某

蒙恩補外需次還鄉幸父母之邦得神明之吏見書中之面目已得其人聽堂上之弦歌願觀其政

荅曾知郡

汪

竊第奉常雅資博約備員冊府端藉吹噓敬觀褒借之詞仰佩謙光之德某官心傳一貫名繼三曾學探天人庸止文章之富才宜臺閣詎容州縣之淹昔游宦於樂成最留心於鄉校經橫絳帳躬率諸生遂能於數載之間翕然變百里之俗弦歌滿邑化端自於言游龍虎成

名功實歸於常袞遂令愚繆亦與作成某敢不益勵操
修用酬知遇對尺書之面目如際高標詠雙桂之篇章
寧忘盛德

與梁司諫

伏審光膺親擢榮陟諫垣方朝廷多事之秋承風俗積
弊之後內有羣陰之壅蔽外有強敵之憑陵當言者不
言而惡人之言已嘗斥立仗之馬今日乃何日而不鑒
昔日其可忘覆轍之車茲幸正人進當言路固宜犯顏

而首論大事毋用削藁而務為小忠天子以為是諫官
以為非言嘗聞於前輩君子有所恃小人有所畏人皆
望於明公庶幾無媿古者之七人斯能上繼先朝之四
助

荅賀封贈

色慘松楸思親不見恩霑泉壤拜命增悲媿謝臆之未
據辱賀賤之先及其為感激罔罄敷宣

答樂清洪縣丞

藏

詠南國之甘棠久思召伯對藍田之鉅竹喜見崔丞朋
緘寵貽謙德加厚某官心傳家學天賦吏才挺挺有祖
風翩翩佳公子先尚書承流宣化遺愛猶存賢貳令種
學積文負丞何有贊一同之教化繼八座之箕裘靡待
政成即膺詔擢某鄉評下士祠祿冗官喜父母之邦得
神明之吏視印未久已驚鳬鷺之行掃門有期一快鳳
皇之覩

與張侍郎

周


伏審光膺宸命榮貳冬官侍帝幄以橫經極儒臣之高
選恭惟某官抱器遠大稟資直方昔游冊府而讀異書
首忤權臣而歸故里二十年不調節尤著於固窮五百
歲相逢力蓋繇於稽古燕公乃東宮之舊留侯為帝者之
師願於論思獻納之時力贊剛明果斷之主登衆賢而
開治表慰四海之想中興此多士所望於公非小子敢
私其貺佇須大拜式慰輿情

荅新昌李縣丞

結

聞諸公交譽願登元禮之門見千里尺書已識泰和之
面第朋緘之禮太厚致下拜之容有慙仰佩謙謙俯懷
栗栗某官元精華胄河洛名家摘光豔於唐翰林文固
有種探淵源於周天下學豈無傳蚤工五色之詞宜繼
八埒之譽戰則必克耻混試於諸生丞雖負余聊貳令
於一邑雅負經綸之業豈淹州縣之勞佇自松廳徑躋
蘭省某方竊祠廩誤膺郡章退惟僥冒之餘諒自吹噓

之素登會稽而觀禹穴雖歲月之不同夢春草而思謝
池顧精神之已接



梅溪後集卷二十二